

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第一六號

據 清·陳其元等修·熊其英等纂  
光緒五年刊本 影印

江蘇省

青浦縣志 (一)

成文出版社有限公司印行



\*10105983\*

中國方志叢書·華中地方·第一六號

據

清·陳其元等修·熊其英等纂  
光緒五年刊本

影印

江蘇省

青浦縣志  
(二)

成文出版社有限公司印行



\*10105984\*

中國方志叢書·華中地方·第一六號

據

清·陳其元等修·熊其英等纂  
清·光緒五年刊本

影印

江蘇省

# 青浦縣志

(三)

成文出版社有限公司印行



\*10105985\*

docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華中地方·第一六號

據

清·陳其元等修·熊其英等纂  
光緒五年刊本

影印

江蘇省

# 青浦縣志

(四)

成文出版社有限公司印行



\*10105986\*

中華民國五十九年五月臺一版

# 青浦縣志

全四冊

發行人：黃 成 助

出版者：成文出版社有限公司  
台北郵政信箱二二六〇五號

台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷33弄29號

內政部登記證內版台業字第一一四七號

青浦縣志

光緒己卯鑄  
尊經閣藏版



青浦縣志序

民之利在田田之利在水自來澤國多腴田然隄防瀦洩稍不如法旱苦乾水苦澇膏沃無所用之青浦厥土肥美前明特重其賦民病之

國朝一再議減農者乃有以自存兵燹後旋定安集賦入猶爲東南州縣之冠則田之利爲之而實

深仁厚澤休養生息爲之也抑水道通塞不常卽田事豐歉無定以爲可恃將有不可終恃者矣然則水利之講求烏可已哉今吳縣汪君祖綬前宰是邑奉中丞吳公重修邑志之命補苴增訂實費苦心篇中於田賦水利反覆三致意焉蓋以誌我

朝寬斂薄征而望後來者之知所從事也爰喜而爲之序

三  
光緒  
丁丑  
年  
南  
至  
兩  
江  
總  
督  
侯  
官  
沈  
葆  
楨  
謹  
敘

光緒丁丑日南至兩江總督侯官沈葆楨謹敘

青浦縣志序

青浦爲漢由拳地明嘉靖二十一年析華亭上海二縣界置  
青浦縣三十二年廢萬厯元年復置我

朝雍正三年又析青浦縣置福泉縣尋省今縣治在唐行鎮  
舊縣在今縣東北三十五里卽古青龍鎮吳志孫權造青龍  
戰艦於此因名按松江源出太湖自崑山流入縣北東逕上  
海與黃浦江合又東入吳淞口西則澱山湖在治西三十里  
南則三泖九峯環峙焉負海枕江平疇沃野古稱澤國得水  
利居多宋時鹽場酒務一時稱盛梅聖俞林鑑皆嘗撰青龍  
鎮志今不傳明王圻始有青浦志八卷亦散佚不可考康熙  
時知縣魏球修縣志秉筆者邑進士諸嗣郢乾隆時司寇王  
述庵續纂數十年來未經修輯兵燹之後書籍散亡搜羅不

易余奉

命撫吳幸值海宇靜謐民和年豐急欲網羅散失纂修江南通志飭各府廳州縣採訪編輯知青浦縣事汪祖綬署知縣張庭蘭先後以縣志告成將付剞劂乞言於余竊惟青浦一邑田賦水利爲東南之冠而文章氣節尤卓然可稱如明徐鴻州先生學主考亭順治間周宿來顧震雉輩出或招集流亡墾荒田而給種或培植士子設書院以獎才激勸將來流風未艾覽斯志者非特文獻之徵而景仰前徽亦守土者所宜有事也余固樂觀其成而爲之敘

光緒三年丁丑十月撫吳使者固始吳元炳序

重修青浦縣志序

夫志者一邑之史也邑雖小不可以無志治斯邑者而欲審風土人情以及田賦兵防學校諸大端尤重賴乎有志青浦爲松郡屬邑地僻民勤風俗樸茂力農務穡賦稅充足號稱易治縣之有志舊矣先是未建縣時青龍爲重鎮海舶商賈之所叢集鹽場酒務宋時極盛故梅聖俞林鑑皆嘗撰述青龍鎮志此則志之最古者至前明嘉靖間始置縣猶以青龍鎮爲縣治尋廢復置則在萬曆元年乃築城遷治唐行卽今縣治是也於是王圻始作青浦縣志

國朝康熙時知縣魏球修之秉筆者邑進士諸嗣郢也文字簡核有法度後刻本爲縣賓客所躡亂郢深以爲憾至乾隆四十六年王述庵司寇重修之欲汰前所躡者而未能竟

也今梅林二志既不傳而圻志原本亦求之不可得加以烽  
 燹之後典籍散佚文獻凋落歷時愈久蒐採愈難此志彙本  
 始自同治九年歷任不一類能精心攷訂而卷帙浩繁編纂  
 濡滯越十年而成於馮君少藻之手舊志之善者如田賦水  
 利則因而次續焉其餘綱目皆參用府志之例並參各志擇  
 善而從以光緒己卯三月開雕迄九月告成而請序於余余  
 適奉命將巡撫閩邦去吳會因馮君之請而識數言於簡端  
 所望後之來宰斯邑者即志以求為治之道也是為序  
 欽命福建巡撫部院前江蘇布政使司布政使護理江蘇巡  
 撫新建勒方鎬撰

重修青浦縣志序

郡邑之志非史也而與史相表裏其體例不必全仿乎史而存紀載之實參筆削之微述古信今俾後之官其土居其鄉者得所取鑑以敷政而勵俗則固非不知史法者之所能爲役也余嘗觀各直省府縣志大抵好爲辨則摭引不根務爲簡則闕軼有間求其辨物類名達情論道足以殫察利疚頒憲糾俗者蓋鮮甚矣志之難也况修志者前人雖有成書將於其善者踵之而或淪失過半其不善者雍之而或牽制多端且歷年久則時移事易有不可悉循故轍之勢尤非深於史法者不能操簡執筆於其間故修志之難與創志等青浦縣志權輿於宋梅聖俞林鑑所撰青龍鎮志其後明王圻又創爲縣志八卷今並佚不傳所傳者

國朝康熙時知縣魏球乾隆時邑人王少司寇昶所修本魏志出邑進士諸嗣郢手其書簡核有法惜刊本爲縣賓客屨亂嗣郢深以爲憾語見嗣郢序中迨司寇再修欲汰前所屨者而卒未能盡閱今將百年未有續纂之者不但人事代謝陵谷變遷且近更寇亂一切蕩燬幾盡是其志之有待於修也亟矣然而難莫甚焉盱眙汪君屺卿旣宰縣之五年會大中丞固始吳公將修江南通志先檄修各郡縣志君迺萃士夫之有學行者分司蒐輯而發凡起例自總其成謂志爲一邑之史宜畧具史法曰筆削曰才識學必能削而後能筆有識而後能運其才與學夙夜孜孜與士夫相商質自田賦水利之要學校兵防之大以至倉儲之營建官師之治行人物之蔚起藝文之著錄凡舊志之因革損益新纂之詳畧棄



與壹秉史法以折其衷間亦參合府志之例如卷首列  
巡幸

宸翰

孔宅聖蹟立爲專卷忠義節孝傳後繫表寺觀祥異退之雜  
記之類皆徵卓識而輿圖則依省局用裴氏法開方測繪其  
精核尤前所未有書垂成君以量移去繼之者爲山左張君  
漢臺緣門類未備復加參訂以葺厥功並丐余爲序余因有  
感焉自古循吏多用經術潤色治具彼所謂才且能者往往  
困筐篋矣然體國經野整齊風俗備輜軒之採以與史宓相  
表裏則志乘者出治之具之鑑也顧其爲書或善或否或傳  
或不傳亦若有數存焉夫典籍散亡而好古之士沿流討源  
猶慨然思見其初豈不以其初之善歟然若梅聖俞林鑑王

docsriver 文川网  
入驻商家 古籍书城

在文川网搜索古籍书城 获取更多电子书

圻之志已邈不可復覩而魏志之孱亂既非嗣郢所及料至王司寇以一代制作巨手欲爲芟改宜無弗善者又因邁年不能親纂傳者如此不傳者如彼詎非數耶雖然已往者姑勿論矣若今汪君之作旣一秉史法其善當不讓魏志又得張君以相與有成是無嗣郢之憾而償司寇未竟之志也他日官其土居其鄉者咸奉爲信志于以敷政而勵俗則兩君不朽之業其在斯乎其在斯乎余故樂爲書其簡端

光緒三年丁丑十月布政使銜署蘇松太兵備道海關監督  
貴池劉瑞芬序

重修青浦縣志後序

丙子歲

康壽

令陽湖奉

命授知青浦縣事明年承乏寶山至今秋始蒞任青浦青浦古由拳地未建縣時本與吾邑同隸嘉興自明設縣以來兵燹之阨粵匪爲最久洎削平後學校祠祀漸已興復而公署未建前令皆賃居民舍康壽下車時假館青溪書院號舍中手民十餘人剗志乘昕夕不懈時諸務倥偬未暇及也旣而邑人士以初印志見示披閱之知志成於盱眙汪君刻於錢塘馮君工將竣而補遺猶未脫藁因商訂參酌之時方經營建署爲按圖規畫略志梗概以彌有圖無署之憾逾月全書告成復以序屬康壽不敏愧乏史才思歷年服官皆與志事相值前者在陽湖曾輯武陽合志寶山新志乃高要梁君

創始而未成者又爲釐正編定今於青志補闕拾遺以葺乃  
事而官廨之工百堵皆作亦將不日而成此正康壽所樂圖  
厥終也爰不辭而書數語於後至邑中田賦水利之殷繁及  
編纂之綱目明晰前序詳之矣茲不贅云

光緒五年歲次己卯孟冬之月石門吳康壽序

青浦縣志凡例十六則

一嘉慶時松江府志例云卷首恭紀

巡幸所以尊

盛典也恭紀

宸翰所以榮

恩遇也至有關地方吏治民生歷奉

詔諭均編年系月恭載本門中今遵斯例恭紀成卷編分上下

謹冠篇端

一繪圖以實測爲憑自同治四年奉部測繪輿圖記里

畫方測向量高下著有成書今首列開方全境圖暨城

池圖皆用新測

一王志沿革鄉保物產城池公署壇廟各自分門而倉

諸善堂皆附載公署今用府志例分類中各列子目沿革鄉保土產皆歸疆域特立建置一門以城池公建隸焉又前志未載方言周郁濱珠里小志補之今增附風俗後

一王志例引前志云東南最重水利而脈絡貫通青浦實司其總故條切言之今仍用舊例而以橋梁津渡附之

一青邑賦額最重始於明時前志臚列減賦諸說甚詳今承

列聖恩綸蠲減豁免疊荷

皇仁至同治初元奉

旨永減賦額大沛

恩膏前古未有載列備詳且附表以明減則

一青邑營汛向歸提後營管轄同治中元改歸前營又添設淞南水營軍制一新今兵防稍詳并附兵事以補舊志之略

一孔宅爲

至聖衣冠墓經

聖祖臨幸

宸翰表章峒間爲之生色故記載視舊志加詳別爲專卷冠諸名蹟之前

一王志云冢墓類非青邑人故有傳者甚尠茲采各史及府志本傳刪繁就簡繫之條下竊比知人論世之義至於傳所已載而墓碑志容有詳畧互異亦必著之以



資參考今亦同斯例

一舊制選舉表薦舉附科目鄉飲雜途附封蔭惟世襲一門前志所無今併于錄蔭而併鄉飲於學校至例仕則以到省者爲斷

一王志例載王西亭先生文獻私議云康熙初建安魏令球延諸乾一重修邑志秉筆者艾山夫葉岳心也稿成魏令解任索稿於退署中與二三不學之人竄易增加遂成穢史此二三人者任意私於其親厚事不核實言乖體例乾一大懊恨而不能止也魏本廉吏輕信眩聽爲人所賣比雕板又爲有力者收板於家刊落舊文竄入祖父之傳愈失其初其後又有私增私減大抵假公事嵌入祖父親戚之姓名事實尤爲猥冗後之修志

者欲因之斷不可欲大正之又疑於刻且叢怨謗甚不易也存此說俟百年之久有賢者因吾說而考正刊削之庶乎其可也蓋前賢之矜慎如此足以垂戒來茲今謹遵其例不敢妄有增減其補闕文訂逸事者皆懷奉斯言

一王志人物傳不分類今擇其尤者入列傳餘分類傳以仕績儒術文苑孝友忠義隱逸懿行別之忠義獨附表者因昭忠錄原表也問有被難而未邀

卹典者補表於後

一王志例云前代名賢或官青邑或曾流寓作志者皆當引以爲重如米芾之治事青龍不可畧而不書今攷米芾則名宦流寓皆無傳又云沈浩然沈友聖居青境

見於董俞董含詩張彥之居細林見於周綸八峯稿李  
 待問為邑人見於江南通志今攷沈張李諸人亦無傳  
 皆補輯以符舊例若顧野王張翰等雖非邑人而前志  
 既列不敢遽刪仍附按語庶於仍舊中寓考正云  
 一列女傳分賢淑才慧貞孝義烈完節而節烈較夥紀  
 載不敢稍畧義烈依昭忠錄列表且訂補訛闕完節按  
 旌年依次列表其未旌而守節年月合例者錄之以俟  
 彙

旌

一藝文謹遵

四庫全書目錄祇載書名王志詩文采附各門甚煩今擇  
 其有關邑境實事者並集近人著作彙入藝文曰集詩

集文因魏志也

一寺觀舊與壇廟並列方外傳舊入人物今用顏洪範  
上海志例概入雜記

一是志之修經始於海昌陳侯其元嘉善錢侯寶傳繼  
之遵義黎侯庶昌籌捐經費以備公用盱眙汪侯祖綬  
釐定章程隨時商訂續纂成書洎張侯庭蘭蒞任後始  
付剞劂距王志修時已將九十年矣中經兵燹書籍焚  
如不免文獻無徵今采輯諸書攷實紀載猶恐闕軼不  
少攷訂補綴是所望於後之君子

--	--	--	--	--	--	--	--	--	--	--	--	--	--	--	--	--	--	--	--

重修青浦縣志銜名

鑒定

兵部侍郎兼都察院右副都御史江蘇巡撫吳元炳

督修

江蘇候補知府龔壽圖

監修

前江蘇松江府知府楊永燕

署江蘇松江府知府趙佑宸

主修

道銜補用知府署青浦縣知縣陳其元

道銜遇缺即補府署青浦縣知縣錢寶傳

即補直隸州知州署青浦縣知縣黎庶昌

docsriver 文川网  
入驻商家 古籍书城

在文川网搜索古籍书城 获取更多电子书

特用直隸州知州署青浦縣知縣汪祖綬  
准補丹陽縣知縣署青浦縣知縣張庭蘭

刊定

運同銜署青浦縣知縣馮渭

運同銜補用同知調補青浦縣知縣吳康壽

協修

青浦縣教諭陳諤

青浦縣訓導祁文藻

總輯

候選訓導歲貢生沈誠燾

分輯

選授四川蘆山縣知縣舉人盛邦霖



選授桃源縣教諭舉人黃家麟

五品銜藍翎浙江候補縣丞監生何長治

候選直隸州州同附貢生唐堯卿

藍翎五品銜附貢生陳鏞

光祿寺署正銜舉人戴承樹

按察司經歷銜附貢生潘潮清

分發浙江候補同知廩貢生蔡增光

纂修

候選訓導歲貢生熊其英

就職教諭副貢生邱式金

分纂

現任雲南昆明縣知縣甲戌科進士陸宗鄭